

陳氏
藏本

張氏醫通

上海廣益書局
印行

傷寒緒論

傷寒緒論序

穆叔有云。太上有立德。其次有立功。其次有立言。此之謂不朽。信哉是言也。吾聞古之賢達。不居仕朝。即在醫卜之中。屈指往古名醫。如秦和之論六氣。越人倉公設為問難。厯厯垂之左史。未始無功德於後世也。若路玉張子者。可以希蹤往哲。配德前人。但素抱夷曠。若不屑於應酬。曾有客長揖而謁先生曰。吾觀今世之延醫治病者。皆耳食。皆目皮相。余為先生效曹邱生可乎。張子拒之。客又曰。今之習醫者。數招權。顧金錢。事貴人。是其長技。臨時驗證。則先備一二語以探之。製劑時。則以雜揉湯液投之。若先生者。能悟醫中最上源頭。復有余為曹邱生。何慮名之不揚。宇內哉。張子撫手而嘯。遂謝客。後知雖齷者流。窮困則辱身下志。富厚則快意驕人。不足與談道。於是銳意精研。靈素金匱諸篇。取趙以德喻嘉言之註。而復斧之。正其誤。去其繁。明其晦。補其缺。銓仲景傷寒六經之次。至於結胸痞證溫熱諸篇。鑿然不混載。取往哲遺言。隸諸類證細證。所以輔仲景之未逮。列為續緒二論。三復讀之。知天下未有之奇。蘊於此矣。是書也。使智者目之。天穎迅發。愚者瞿然而悟。罔者危坐正襟。洗心滌慮。好自用者。目眩然而不曠。舌橋然而不下。洵為傷寒之大成。其德被於天下後世也溥矣。豈特有功於仲景而已哉。噫。張子真不愧乎立言矣。

傷寒緒論目錄

卷上

總論

六經

傷風

溫病

合病

併病

標本

治法

傷寒

雨感

三陰

寒疫

中暑

濕病

風濕

時行

大頭

溫疫

內傷

溫毒

陽毒

陰毒

內癰

赤痢

黃耳

中食

風濕

濕熱

瘰癧

內傷

虛煩

脚氣

霍亂

脈法

察色

辨舌

宜禁

切法

卷下

發熱

頭痛

頭重

頭脹

項強

惡風

惡寒

背惡寒

寒熱

如瘧

潮熱

無汗

自汗

盜汗

頭汗

手足厥汗

煩熱

煩躁

懊憹

身體痛

拘急

心下滿

胸脇滿痛

痞

結胸

藏結

腹滿

腹痛

小腹滿痛

譫語

鄭聲

發狂

發斑

發黃

不大便

自利

下利

小便自利

腸鳴

欬嗽

渴

唾膿血

振

沸鬱

厥

失音不語

不仁

不得眠

狐惑

直視搖頭

勞復

遺熱

使膿血

小便數

噦

喘

漱水

熱入血室

戰慄

戴陽

踈卧

喉痺

厥暈

多眠

百合

遺尿

食復

發顛

小便不利

嘔吐

噫氣

短氣

衄血

畜血

肉瞤筋惕

四逆

唇甲青

頭眩

心悸

虺厥

舌卷囊縮

循衣撮空

女勞復

喜唾

小便難

乾嘔

呃逆

氣逆

吐血

動氣

瘕瘕

足冷

咽喉乾痛

鬱冒

驚惕

藏厥

陽縮

絕汗

陰陽易

差後浮腫

雜方

刺灸穴法

雜方目錄

陽旦湯 附陰旦湯

黃耆建中湯

再造散

香蘇散

芎蘇散 參蘇飲

神朮湯

十神湯

升麻湯

葛根葱白湯 增損葛根葱白湯

連翹葱白香豉湯

選奇湯

藿香正氣散

人參敗毒散 倉廩湯

荆防敗毒散 連翹敗毒散

普濟消毒飲

六神通解散

獨活散

連原散

生犀飲

清熱解毒湯

人中黃丸

人中黃散

涼膈散

雙解散

黃連解毒湯

三黃石膏湯

導赤瀉心湯

射干麻黃湯

金沸草散

姜豉湯

栝蒌根湯

防己黃耆湯

麻黃杏仁薏苡甘草湯

羌活勝濕湯 除風濕羌活湯

補中益氣湯

生脈散

清暑益氣湯 清燥湯

十味香薷飲 六和湯

消暑十全散

黃連香薷飲 局方香薷飲

消暑丸

益元散

大順散

冷香飲子

漿水飲

升麻鱉甲湯 陰毒甘草湯

陽毒升麻湯

犀角黑參湯

犀角大青湯 消斑青黛飲

黃連橘皮湯

橘皮竹茹湯

赤茯苓湯

小續命湯

如聖飲

大羌活湯

羌活導滯湯

葶藶苦酒湯

黃龍湯

厚朴七物湯

代抵當湯丸

金匱下瘀血湯

備急丸

大黃附子湯

二陳湯

小半夏茯苓湯
橘皮半夏湯

導痰湯

平胃散

香連平胃散
胃苓湯

五積散

調中湯

調中飲

人參養胃湯

沉香降氣散

香穀散

當歸活血湯

犀角地黄湯

生地黄黃連湯

竹葉湯

四物湯

芍歸湯
加減四物湯

犀角湯

增損四物湯
柴胡四物湯

當歸補血湯

紫蘇飲

逍遙散

加味逍遙散

歸脾湯

加味歸脾湯

四君子湯

異功散
六君子湯

東垣升陽散火湯

人參白朮湯
火鬱節菴升陽散火湯

十全大補湯

大建中湯
人參養營湯

酸棗湯

參胡三白湯

人參三白湯

參胡芍藥湯

參胡溫膽湯

十味溫膽湯

酸棗湯

金匱腎氣丸

崔氏八味丸
濟生腎氣丸

益元湯

附子理中湯

枳實理中湯
治中湯

附子理中湯

金匱大建中湯

益元湯

附子散

附子粳米湯

羌活附子散

霹靂散

火燄散

稀涎散

皂莢丸

葶藶大棗瀉肺湯

桔梗湯

葶藶薤白瀉肺湯

射干湯

大黃牡丹湯

赤小豆當歸散

黃連犀角散

百合地黃湯

逍遙湯

金液丹

黑錫丹

來復丹

養正丹

陳氏傷寒緒論卷上

藏本
長洲石頑張璐路王父纂述

青浦陳蓮舫校正

總論

余嘗考晉王叔和集仲景傷寒書。未嘗不廢書而三歎也。嗟夫。猶論以糾為仲景之治。臣民既和之集。則傷寒書同於卒病論之不傳矣。何能知有六經證治乎。即條辨論亦無從而下也。夫二子所編。各有未當。余竊不揣。復取仲景原文。重分其例。取尚論及各家之註。參以己見。成續論矣。第殘逸已多。證治不備。擬搜諸家之論以補之。雖其間互有發明。然未免多歧之惑。是不得不博採往哲之言。以綴輯之。惜乎歷代名賢。遞相祖述。未能一一標明。姑從證類次第。讀者毋以辭害義可也。謹欽六經傳變合病併病標本治法。及正傷寒。兩感。三陰。中寒。冬溫。寒疫。傷風。濕病。風濕。時行。大頭。溫疫。溫瘧。溫毒。陽毒。陰毒。熱病。中暑。濕溫。中濕。風濕。濕熱。瘧病。內傷。虛煩。腳氣。霍亂。內癰。赤膈。黃耳。夾食。夾痰。夾水。夾血。夾氣。夾陰。冒雨。溺水。重身。產後等四十證。暨以審證死證。逐一辨論如左。

如六經證。人悉知為足經。不知有手經證。間出也。傷寒初受病時。頭項痛。腰脊強。惡寒。足太陽也。發熱面赤。惡風。手太陽也。目疼鼻乾。不得臥。足陽明也。蒸熱而渴。手陽明也。胸脇滿痛。口苦。足少陽也。耳聾及痛。寒熱往來。手少陽也。腹滿自利而吐。足太陰也。口乾津不到咽。手太陰也。脈沉細。口燥渴。足少陰也。舌乾不得臥。手少陰也。耳聾囊縮。不知人。足厥陰也。煩滿厥逆。手厥陰也。傷寒以冬月寒。

水主令。故受病必先巨陽。若夫非時暴寒。亦必隨時傷。犯與夫時行疫癘。隨其歲氣而犯虛經。異治疫雖以六氣為主。總不離陽明溼土。至於伏氣發溫。必先少陽證。見熱病多兼包絡三焦。皆熱邪自內達外。其治法可領悟矣。

按靈樞十二經脈轉注如環。豈有六經傳變。只傳足經。不傳手經之理。如太陽傳陽明。謂循經傳。太陽傳少陽。謂越經傳。太陽傳太陰。謂誤下傳。太陽傳少陰。謂表裏傳。太陽傳厥陰。謂首尾傳。因此經本虛邪即傳之。本無定例也。故傷寒有六經之傳變。無藏府之傳次也。所以在太陽經有犯本者。有即入陽明之府者。有傳至陽明之經。而自經入府者。有傳至少陽之經。而入陽明之府者。是以仲景有太陽陽明。正陽陽明。少陽陽明之別也。入府則邪有定著。不復傳次也。非但入府不傳。即太陽之犯本。少陽之入府。俱不復傳矣。是知三陽有傳變。有併合。三陰有傳經。直入而無併合也。即有三陰經轉出三陽。或傳入府。皆是邪氣向衰。正氣得復之候。並無厥陰復傳太陽之理。此昔人所未明言也。而傳足不傳手之說。尤屬非理。王安道曰。傷寒不傳手經。此開卷之首疑。而諸家紛紛竟無定論。竊意只傳足經者。蓋以邪氣在經。未入藏府而言。若入藏府。則不可謂之獨在足經矣。何以言之。夫手太陽者小腸也。手陽明者大腸也。邪氣入胃。致有燥屎。大承氣湯下之。小腸上接胃。下接大腸。燥屎由大腸而出。二經得無與乎。手少陽者三焦也。邪在一身。三焦獨能安乎。手太陰者肺也。肺為清肅之藏。主氣升降。假如欬嗽氣逆。肺能保其清肅乎。手少陰者心也。手厥陰者心包也。表裏熱極。神狂志亂。豈有君相二火。反泰然清靜者哉。東垣此事難知。曰傷寒傳至五六日間。漸變神昏不語。或

睡中獨語一二句。目赤唇焦。舌乾不飲水。稀粥與之則嘔。不與則不思。六脈細數而不洪大。心下不
痞。腹中不滿。大小便如常。或傳至十日以來。形貌如醉人狀。虛見神昏。不得已用承氣下之。誤矣。不
知此熱邪傳手少陰心經也。導赤瀉心湯主之。與食則嘔者。邪不在胃也。不與則不思。以其神昏也。
既不在胃。誤與承氣下之。必死。今傷寒溫熱傳變。多有此證。不可不察也。

至於合病併病。亦須明辨。昔趙嗣真極意洗發。不過曰合病者。二陽經或三陽經同受病。病之不傳
者。也併病者。一陽經先受病。又過一經。病之傳者也。以病之不傳者。概合病。雖為定論。但未明言。合
病多由冬時過溫。少陰不藏。溫氣乘虛先入於裏。然後更感寒氣。閉鬱於外。寒熱錯雜。遂至合病。其
邪內攻。必自下利。不下利即上嘔。邪勢之充斥奔迫。從可識矣。其黃芩湯雖主太陽少陽合病。白虎
湯雖主三陽合病。而實溫病熱病主方。慎不可以此誤治傷寒合病。設誤用之。必難救藥也。其傷寒
合病。仲景自有桂枝加葛根湯。葛根加半夏湯。葛根湯。麻黃湯等治法。觀仲景諸例。自可見矣。

併病者。先一陽經病未罷。又加一經證見。兩經聯貫為一也。嗣真云。太陽陽明併病。若併而未盡。是
傳未過。尚有表證。若併之已盡。是為傳過。當下之。按此雖曰併病。而實傳經也。或言本二經病。一經
證先盡。歸併於一經者。為併病。此說似是而尤誤也。按仲景二陽併病。太陽初得病時。發其汗。汗先
出不盡。因轉屬陽明一條。此則太陽陽明併病也。至於二陽併病。太陽證罷。但發潮熱一條。雖曰二
陽併病。又云太陽證罷。獨見陽明府證。所以用大承氣湯。專治府實。而不復用併病例藥也。考仲景
書合病併病證。或止言太陽。或止言陽明。少陽者甚多。如太陽病桂枝證。醫反下之。利遂不止。脈促

者表未解也。喘而汗出者。葛根黃芩黃連湯主之。此非太陽陽明併病例藥乎。

又如標本治例。全要活法。所謂一病之標本者。如太陽中風桂枝證。先惡寒為本。後發熱為標。其陽明熱病白虎證。口燥心煩為本。背微惡寒為標。此治本不治標也。○又兩病之標本。如伏氣發溫復感客邪證。伏氣為本。客邪為標。治以涼膈。必加葱豉。其內傷發熱兼冒虛風證。內傷為本。虛風為標。治宜補中。略入羌防。此治本兼治標也。○又傳經之標本。本太陽病。初得病時發其汗。汗先出不徹。因轉屬陽明。此太陽為本。陽明為標。治以葛根。仍用麻黃。此治標必從本也。○又一經之標本。如太陽病。頭痛發熱自汗。桂枝證為本病。後六七日不解。而煩渴飲水。邪入膀胱之本。五苓證為標病。此隨證治本治標也。○又一身之標本。如病人身大熱。反欲得近衣。以其人陽氣素虛。寒邪外鬱於表。熱在皮膚為標。寒在骨髓為本。宜小建中加黃耆。病人身大寒。反不欲近衣。以其人蓄熱素盛。寒鬱熱邪於內。寒在皮膚為標。熱在骨髓為本。宜桂枝湯加黃芩。此寒熱互見。標本合治。不必如活人書先後治例也。○又寒熱之標本者。如病人脈微而濇。夏月盛熱。欲著複衣。冬月盛寒。欲裸其身。盛熱欲著複衣者。陽微則惡寒也。宜附子理中加黃連。盛寒欲裸其身者。陰弱則發熱也。宜竹葉石膏加附子。此不從標本。從乎中治。仲景所謂醫病是也。○又先後之標本者。傷寒醫下之。續得下利。清穀不止。身疼痛。急當救裏。後身疼痛。清便自調。急當救表。先受寒身疼痛為本病。後誤下之。續得下利。清穀為標病。先四逆救裏治標。後桂枝救表治本也。標本之法。略舉數條為例。詳仲景證治諸法。餘可類推。

夫仲景治法不同。非極力精研。不能悟其間奧也。原夫傷寒之邪。其始也。必先太陽寒水之經。所以惡寒發熱。此為表之外證。故宜發汗開腠理。而通其熱則愈。或有汗之而不愈者。必有所夾而致。或夾痰。或夾食。或夾水氣。或夾內傷。須辨脈證用藥。然必先撤外邪。稍兼清理痰氣。而後專理他證。若內外并治。邪必內入。所謂汗之不得其宜。而入三陽之本也。古云。發表未除。不可攻裏。上盛未除。不可攻下。真不易之定例也。○傷寒三陽證宜汗。失汗必致傳經。汗之不得其宜。或入三陽之本。或傳三陰之經。若入三陽之本。此為表之裏證。當隨證分利和解。若入陽明之府。必大便燥結潮熱。手足熱。熱自汗。腹滿煩渴。當俟結定。方可攻裏。所謂下不厭遲也。若裏實燥渴。飲水過多。或下傍流之水者。急下之。若傳三陰之經。必自下利。腹滿噤乾。燥渴厥逆。舌捲囊縮。詳緩急下之。此雖曰三陰實陽證也。○太抵傷寒身熱者。為熱在表。引飲小便黃赤。為熱在裏。身熱引飲。小便黃赤。為表裏俱有熱。身涼不渴。小便清白。為表裏俱無熱。又曰。身拘急。表熱惡寒。脈浮緊。為邪熱在表。引飲譫妄。腹滿實痛。發熱便秘。脈沉緊。為邪熱在裏。胸脇痞滿。或嘔吐。往來寒熱。脈在肌肉。為邪熱在半表半裏。自利脈沉細。但熱而無頭痛。或燥渴多喜溫飲。自覺足寒。為少陰本虛而挾陽邪。雖是陽證。而實夾陰。與陽虛自中陰寒不同。亦有陽證誤用寒藥。而變為虛寒者。又有汗下太過。致陽虛而惡寒者。皆始本陽邪。未傳寒中之證。並宜加溫經藥。不可拘於傷寒。皆為熱邪。禁用溫補之說。就究其根源。從陽經來者。溫經藥中。又不得不兼制陽藥。若峻用辛熱。則真陰立槁也。觀真武湯中用芍藥茯苓。其義可見。○王安道云。傷寒傳變不常。或有循經而傳者。或有越經而傳者。或有傳二三經而止者。或有只

在一經者。或有傳至三陽而止者。或有傳盡六經不能者。有從陽經傳變而為熱證者。有直中陰經而成寒證者。有初入太陽不作鬱熱而成真陰證者。有始寒終熱者。有始熱終寒者。全在脈與證別之詳。三陽之邪。則一於熱耳。至三陰經證之或寒或熱者何也。夫仲景書本非全文。既遭叔和播亂之厄。成無已止隨文註釋。竟不明言何由為熱何由為寒之故。此非不欲言也。蓋止知傷寒皆是傳經。故疑於六經所傳俱為熱證。而熱無變寒之理。遂不敢別白耳。以寒為本藏之寒。歟。安得當熱邪傳裏之時。反獨見寒而不見熱者。且所用之藥。能不助傳經之熱乎。以寒為外寒。歟。則在三陽已成熱矣。豈有傳至三陰而反為寒哉。成氏能潛心乎此。則必悟其所以然矣。○夫三陽之病。其寒邪之在太陽也。寒鬱其陽。陽不暢而成熱。陽雖人身之正氣。既鬱則為邪矣。用麻黃發表以逐其寒。則腠理通而鬱熱泄。故汗出而愈。苟或不汗不解。其熱不得外泄。則必入裏。故傳陽明。傳少陽。而或入府也。夫三陰之病。或寒或熱者何哉。蓋寒邪之傷人也。或有太陽經鬱熱。然後以次而傳至陰經者。或有太陽不傳陽明少陽。而便傳三陰經者。或有寒邪不從陽經而始。直傷陰經者。或有雖從太陽而始。不作鬱熱。即入少陰。而獨見少陰證者。或有始自太陽。即入少陰。而太陽不能無傷者。或有直傷陰經。而寒變為熱。及始寒終熱者。其鬱熱傳陰。則為熱證。其直傷陰經。及從太陽即入少陰。則為寒證。其太陽不能無傷。則為脈沉而發熱證。其始寒而終熱者。則陰邪傳出陽分。為先寒後發熱證。此三陰之病。所以或寒或熱也。邪氣暴卒。本無定情。而傳變不常耳。若夫裏寒外熱之證。乃是寒邪入客於內。迫陽於外。或是虛陽之氣。假作外熱之狀耳。非真熱邪所為也。觀仲景裏寒外熱之證。但以

溫藥治裏而不治外熱。則知所治之意矣。所以仲景治太陽經虛汗之不愈。即用四逆湯。溫之。如太陽病發熱。頭痛脈反沉。若不差。身體疼痛。當救其裏。宜四逆湯。是也。更有少陰表證。宜汗者。如少陰病。始得之。反發熱。脈沉者。麻黃附子細辛湯主之。少陰病得之二三日。麻黃附子甘草湯微發汗。以二三日無裏證。故微發汗也。趙嗣真云。太陽證之溫經。少陰經之發汗。皆證類之變。故長沙各言反者。以太陽發熱。頭痛脈當浮。今反沉。少陰脈沉。法當無熱。今反發熱也。以其無頭痛。故為少陰。以其有頭痛。故為太陽。太陽脈當浮。今不能浮者。以裏虛久寒。正氣衰微所致。又身疼痛。故宜救裏。使正氣內強。迫邪出外。而乾薑生附亦能出汗也。少陰脈沉無頭痛。當不發熱。今反發熱。知寒邪在表。鬱閉而為熱。故用麻黃細辛以發表邪之熱。附子以溫少陰之經。熟附配麻黃。發中有補。生附配乾薑。補中有發也。至第二證。言得之二三日。病氣尚淺。比之前證稍輕。又無裏證。變見故宜微發汗。所以去細辛加甘草。是汗劑之輕者也。活人書却去無證二字。改作常見少陰熱陽證者。如經云。心中煩不得臥。或咽澀聲不出者。或咳而嘔渴。或口燥咽乾。或腹脹不大便是也。夫豈麻黃附子甘草湯所可治耶。復有三陰轉屬胃府宜下者。如傷寒脈浮而緩。手足自溫。是為繫在太陰。太陰者身當發黃。若小便自利者。不能發黃。至七八日。大便鞭者為陽明也。又少陰病六七日。腹脹不大便者。急下之。宜大承氣湯。厥陰下利。譫語有燥屎者。小承氣湯下之是也。更有三陰轉出肌表宜汗者。如太陰病脈浮者可發汗。宜桂枝湯。少陰中風。陽微陰浮者為欲愈。厥陰病下利後身疼痛。清便自調者。急當救表。宜桂枝湯。厥陰病嘔而發熱者。小柴胡湯。又有少陰變熱。回陽者。如少陰病惡寒而踰時時

自煩欲去衣被者可治。凡此皆陰盡復陽也。至於汗下誤施變害不測。東垣云：太陽始病，當以汗解。若當汗不汗，則濕熱著裏而發黃。發汗太過，經虛風襲而成痙。不當汗而汗，迫血妄行而成衄。大便不可妄動，動早為犯禁。當汗誤下，則引邪入裏而為痞結懊憹。熱利當下，誤汗則為亡陽厥。渴謾語，小便不可輕利，利之為犯本。若渴而自汗多，雖小便不利，為陽明經熱，不可誤用五苓。蓋五苓為太陽裏證下藥，其功在於驅胃中濕熱而救津液。故仲景又有小便數、大便鞭、不更衣、十日無所苦、渴者宜五苓散之例。一以自汗多而渴為津液耗散，故禁利水傷津藥。一以小便數而渴為濕熱內盛，故宜驅熱利水藥。此當利不當利之別也。若當利不利，必就陽明燥火而成畜血發黃。不當利而利，必耗膀胱津液而成燥血發狂。此皆誤治之失也。○又按活人書云：傷寒陽明證，且下。少陰證宜溫。夫陽明之經證，身熱、目疼、鼻乾、頭痛，可宜下乎？少陰之傳經熱邪，可宜溫乎？況溫病熱病之少陰，尤不可溫也。自奉議此說行，後世蒙害者不少矣。○又兩感證，先救裏以四逆湯，後救表以桂枝湯。長沙本云：先後發表攻裏，未嘗言救裏也。今以攻為救，豈不相背？若用四逆湯，是以火濟火，而腹滿譫語、囊縮等證，何由而除？兩感雖為死證，亦不當如是處治也。○至於直中三陰寒證，仲景在太陰則曰藏寒，以太陰居中，邪不能入，必因冷物受傷也。在少陰不曰中寒，即曰少陰病者，以少陰本寒水藏。若陰寒中藏必死。今受病者少陰經耳，故處方皆用溫經。在厥陰乃曰中風，以風喜傷肝也。○凡六經中俱有中風傷寒之辨。如太陽脈浮有汗為中風，浮緊無汗為傷寒。陽明善饑為中風，不能食為傷寒。少陽耳聾脇滿為中風，口苦咽乾為傷寒。若三陰風寒無變異形證，但以四肢煩疼為中

風手足寒厥為中寒耳。○凡傳經少陰熱證。在本經失治。或治之未當。則復傳厥陰。熱深厥亦深。而咽痛者為喉痺。嘔者轉為吐瀉。膿下利者轉為便膿血。甚有發熱厥逆。躁不得臥。仍是腎氣先絕而死矣。○凡虛寒壞證。多少陰厥陰。然少陰最忌發熱。發熱則恐腎中真陽飛越。厥陰最喜發熱。發熱則陰盡復陽。但少陰發熱。必大發躁。悶亂不安。誠為危候。若利止厥回。脈見陽微陰浮。又為欲愈之徵也。厥陰發熱。則厥逆止而漸溫。腹脹少緩而囊縱。吐利止而思食。方為陰盡復陽。若見煩熱消渴。脈數。又為真陰灼燥之象矣。○又有少陰中風證。按盛起東云。凡初起但覺畏寒。饑不能食。欲吐不吐。腹濡滿。大便秘。小便頻數及多。脈來弦細浮弱。按之無根。此為少陰本虛。自中之風。慎不可以其腹滿不大便而誤下之。下之必不可救也。蓋寒則自利腹痛。風則腹滿不大便。而按之不堅。寒則小便清利。風則小便頻數。寒則身冷厥逆。風則自覺煩熱。而手足煩疼。寒則嘔逆不食。風則欲吐不吐。饑不能食。稍食則脹滿不禁。寒則脈來沉細。風則脈來浮弱。以風本陽邪上逆。與寒證陰邪下泄不同。即如中風之合病。則嘔。傷寒之合病。則利是也。○傷寒外編云。病在三陰。皆有下利腹痛。厥逆躁渴。但屬於陽者。必先發熱頭痛。漸至唇乾舌燥。煩渴喜冷飲。面色光彩。語言清亮。手足溫煖。爪甲紅潤。身輕易於轉側。呼吸出於自然。小便或赤或澀。脈來浮洪數大。此陽證也。至四五日後。傳進三陰。血分變出四肢厥冷。乍溫或燥結。或下利。躁渴潮熱。自汗譫妄。揚手擲足。氣息喘急。小腹痛不可按。古上胎厚而黃黑。甚則芒刺燥裂。脈沉而滑。皆三陽傳變之熱證。其或身寒逆冷。神氣昏昏。脈來沉實附骨。乃火極似水。緣陽邪失於汗下所致。雖身冷而不欲近衣。雖神昏而氣色光潤。雖腹痛必脹。

滿而喘急不可按揉。下利傍流清水。小便黃赤。大便或秘或黑。厥逆亦不過肘膝。厥過即發熱。厥深熱亦深也。此為陽極似陰。不可誤認為寒而溫之。○若發於陰者。始病不發熱。無頭痛。便自利。厥逆腹痛。口不渴。身體沉重。難以轉側。嘔吐瀉利。惡寒踈臥。戰慄吐沫。手足指冷。厥逆爪甲青黑。面如刀刮。顏色黯慘而不光。舌上雖黑而無胎。脈來沉遲細小。皆三陰自中之寒證。其或面赤戴陽。身有微熱。咽乾煩躁。脈來數疾無倫。乃水極似火。因虛冷內盛。逼其浮陽發外也。又如始本陽證。誤服涼藥。攻熱太速。其人腎氣本虛。胃氣素弱。遂經陰寒。雖發熱面赤。欲引衣自覆。而手足必寒。或躁渴欲飲水而不能嚥。或嘔噦而欬逆。或咽痛而鄭聲。時躁悶亂。欲坐臥泥水中。稍袒露即畏寒。莫禁腹痛可按可揉而不艱滿。下利清穀白沫及淡黃水。小便清白。厥逆過肘膝而不復熱。舌上略有黑胎。與灰色胎。胎雖老必極薄無津。而不燥裂無芒刺。脈多沉細。或浮大數疾。按之必虛軟無力。不鼓擊於指下者。此為陰極似陽。不可誤認熱證而下之。此證急溫。尚且十難救一下之百不一生矣。○喻嘉言云。凡傷寒初起發熱。煎熬津液。鼻乾口渴。便秘漸至發厥。不問知其為熱也。若陽證忽變陰厥。從古至今無一也。蓋陰厥得之一起。便直中陰經。脣青面白。遍身冷汗。便利不渴。身踈多睡。醒則人事了了。與傷寒傳經之熱邪。轉入轉深。人事昏惑者。萬萬不同。如先犯房勞。而後傷寒。世醫無不為陰證。往往投以四逆寧湯。促其暴亡。而誣之於陰極。莫救總由傳派不清耳。蓋房勞而病外感者。其熱不過比常較重。以陰虛陽往乘之。非陰盛無陽之比。汗下藥中。不過稍加甘溫。照顧元氣耳。且仲景明言。厥多熱少則病進。熱多厥少則病退。厥愈而熱過久者。必便膿血發癰。厥應下而反汗之。必口傷爛。